

夏之集

七

一名孫伯碧擒獲牟欽彭道成二名陰陽官王世英
寺擒獲何本政徐奉金李狗狗張氏四名口除射殺
身死不曾割功并淹死不第外通計共擒斬四百四
十名口顆副奪獲驛馬六十七頭匹賊衣六十一件
腦包一十一箇旗五面鎗刀一十四根把銅鑼一面
神像一尊角帶三條道印一顆銀四十三兩四錢八
分布三十疋斬獲馬尾七尾砍死驛馬九十餘頭匹
并稱各賊告願德撫臣又差藍廷瑞毋鮮氏毋舅詳

永金戶內藍相藍永金姨夫吏何鸞節次入營招撫
節回聽撫緣由前來緣前項流賊日久計猾不來迎
敵惟務速逃疲我官兵追逐乘隙遂肆劫掠已經總
制會臣議行清野之法示令居民近者搬移入城遠
者擇立山寨將人口騾馬糧食盡行收保賊來則堅
壁拒守賊過則趁時耕種賊果艱於搶食虜騎逃過
陝西被亦如斯因是勢窮力屈又被官兵追擊意欲
再假聽撫延緩至秋田野稻熟豈意官兵湊集團隨

深厚只得跟隨前來探知臣等先已分布湖廣都指
揮宋英等一哨於金寶寺正東十餘里螺拐山住劄
施州衛指揮童昶等一哨於本寺東南十里方斗柳
枝坪都指揮李玉等一哨於本寺正南十里瓦窰埧
四川石碛土兵人等於本寺西南八里羅花溪都指
揮李蔭等一哨於本寺正西十里崖城坪都指揮吳
宏等一哨於本寺西北十里多羅坪執旗吏何定一
哨於本寺正北將十里寶興寺通判第五德一哨於

本寺東北十餘里十二灣界刹寺各住劉及行見在
軍前湖廣監軍御史何棐叅議方璘四川按察使公
勉仁叅改曹祥副使張敏馮傑并原取軍前贖畫致
仕知府王嘉慶等各去分投督調臨時那近相機撫
勦及四川鎮守太監韋興巡按御史俞繼督發兵餉
前來協助賊心疑懼遲延違限止到浪洋寺依山分
營散住不肯前來投見致被永順土舍彭世麟并各
哨亦各有人何定安宇等又令鮮永金何鸞等在內

設計將各賊首誘出盡數擒獲止有小老人廖麻子
一名逃走未知存亡餘黨勦散除已獲外其餘鑽林
散逃者又行嚴督各哨官兵四散分投追勦及嚴令
領兵等官并各處地方守隘人員遍搜山箐務期盡
絕若散走十人以下者俱要生擒解審二三十人以
上執有兵器拒敵者方准首級耳功以杜妄殺總制
又會臣出給告示發去各該州縣鄉村地方張掛曉
諭但有逃散賊黨或三五人或十數人為一夥躲在

山林避命者俱許照奉

勅諭內除首惡不宥其脅從之人有能自首免罪事理俱
赴所在官司自首與免本罪審發回籍復業優卹不
許官兵把隘人等阻拏報功如此則散賊可以盡滅
地方可以保安靖矣臣等議照藍廷瑞卹本怨首倡
為亂王金珠李尚鑾冷玉珍等同惡相濟始稱順天
括地掃地三王一十八總旗上偽書負王天子後改
八大老人總管四十八營小老人藍廷瑞仍稱總兵

官收掌萬戶府偽印遇有更換老人摠甲等項印給
批帖迨獲見在似此罪惡貫盈神人憤怒是以天奪
其魄即今首惡盡擒餘黨勦散軍民胥慶地方已安
此蓋仰賴

祖宗在天之靈

皇上無疆之福

聖謨神武施及遐方摠制洪鍾籌畫周詳與鎮守等官叶
心贊理是以將士用命成此武功臣愚陋無能不勝

欽躍慶幸之至除將省惡藍廷瑞等俱發湖川二省
三司寺官會問取招通行解京及散逃餘黨追捕盡
絕并將係捷音事理謹具題

知奉

聖旨林俊協謀進勦功勞可嘉爲勅獎勵差來承差賞給
絲衣服一套新鈔一千貫免他辦事着吏部照本寺資
格除授該衙門知道欽此續該兵部題前事正德六年

八月初三日奉

聖旨是洪鍾加太子太保賞銀五十兩紵絲四表裏韋興
歲加祿米十二石賞銀四十兩紵絲三表裏林俊陞本
院右都御史藍章右副都御史各賞銀三十兩紵絲二
表裏有功陣亡等項官軍人等着上緊查勘并副叅紀
功巡按守巡等官一併來說生擒首惡藍廷瑞鄒本恕
等二十八名不必解京錦衣衛便差的當千戶二員馳
驛前去齎文與洪鍾就彼或在途隨處押赴附近省府
會同巡撫巡按等官監看都凌遲三日梟首去被害地

方示衆欽此

辭免陞賞賊平曲容致仕疏

奏為乞

恩辭免陞賞賊平曲容照舊致仕事正德六年九月二十

日據陝西漢中府差舍人楊連齋到兵部咨為捷音

事該總制尚書洪鍾會臣題擒獲藍廷瑞鄔本恕等

荷蒙

聖恩陞臣都察院右都御史賞銀三十兩紵絲二表裏者

負山知重集木若驚竊念臣章句腐儒未閑兵旅虛
名起廢才短深憂每恨功成之不早而罪至之莫逃

孤

上知以重貽大方之笑不謂意外濫此

寵榮夫官賞所以酬勞臣由前之擒勦廖惠廖胖子寺與
奪獲印刀則將士之功由今之擒執藍廷瑞鄙本怒
寺則主將之謀與藍廷瑞之母及其母舅諸弟入營
招誘之致與臣無與况臣前起廣東右布政使後起

巡撫江西右副都御史俱因疾辭職不赴今起力疾
即赴誠以兩川弗靖臣身維農畝義當竭微分以上
報

國恩非幸復用規規然圖此過望之典也又兼時務少
諧福氣素薄桑榆已暮尤深骸骨之懷烽火尚紅轉
切閭閻之念以此羈留未敢求去迹同繫戀心實耻
之伏望

皇上憫臣至情收回成命容守舊職征勦孽保殘賊麻六

兇等江津殘賊方四等各平日查照宋臣葉夢鼎元
臣許衡成化間都御史高明事例許臣順回照舊致
仕則始終生全之恩皆

陛下聖德如

天之賜臣不勝感激願幸之至緣係乞

恩辭免陞賞賊平曲容照舊致仕事理謹具奏

聞奉

聖旨軍前陞賞已有成命不允所辭但卿既累陳疾病情

詞懇切准回原籍致仕該部知道欽此

大壩捷音

題為捷音事竊惟克平西蜀崇文正劉關之誅載靖東
川張詠收李順之黨王均討而漢州定吳曦執而興
州平師貴有名蜀本難治

皇上德符

七聖化洽八紘在陶冶自無亂民奈覆育尚餘驕子正德
六年正月江津殺敗賊首曹甫餘黨方四等綦江奔

命網漏無多崖井聚群鳥合又盛既又流入思南流
入石阡收虜號稱數萬方四偽稱總兵已殺任麻子
偽稱御史與小賊首周鳳周統王一千張孫兒孫長
官李萬千周黑子王長生廖光周廣趙金純劉漢增
藍么楊興張萬頃鄒彥甫等俱偽稱評事搃小旗名
色頭戴極厚腦包身穿絮被鎗箭難入又專虜善走
騾馬出入如飛劫掠財物燒燬鄉村姦汙婦女攻奪
城寨屠戮人民不可勝計

皇上命興三省之師六月貴州兵敗之於思南等處擒斬
一千有餘播州兵敗之於三跳等處擒斬二千有餘
俱具

題外各賊隨殺隨虜不日又盛四川鎮守太監韋興地
視今改松潘巡撫都御史高崇熙預知賊必來江津
報讐議處韋興駐會城高崇熙駐重慶內外操兵送
振督同三司等官布政使劉丙洪遠副使王時中署
都司事僉事盧翊催調官兵整備糧賞軍器總兵官

楊宏專勦保利麻六兒殘賊添設南川綦江江津瀘
州各關隘官兵守把添調威茂酉陽石碛馬湖天全
各流土官兵征進 臣分發調征流土兵快前來協助
本年七月高宗熙改松潘州撫南川縣申方四等移
近南川 臣因松潘地方頗寧會同總制尚書洪鍾議
留高宗熙暫駐重慶調度兵糧具

題訖本年八月初一等日方四等來攻南川所屬墳頭
馬頭省崔子岡等關守把官兵敵斬一十九顆掘石打

死一百一十五名射傷三十四名生擒四十八名口
本月二十四等日方四等攻綦江所屬東鄉永澄漕
等處羅回標手等兵敵斬二十一顆殺死師婆一口
射傷一十三名俘獲男婦五名口賊象克狼殺死百
戶柳芳義官曹騰并兵快未查的數官兵走敗賊衝
過關進入南川綦江二縣聲言欲取江津重慶瀘州
叙州攻打會城聲勢張大遠近驚駭臣在夔州府聞
報會同高崇熙韋興各添調各屬漢土兵快及會總

制尚書洪鍾添調施州土兵又臨重慶會處韋興仍
駐會城高宗熙駐瀘州臣駐江津又因重慶人心驚
疑議留此按監察御史王綸駐重慶加厚賞軍會季
副使何珊都指揮鄒慶領兵從合江進副使李敏知
府曹恕領兵從江津進相機夾攻右叅政邵蕢寺同
知府劉思賢整備一應糧賞本年九月十四日會
撥石砦宣撫馬徽土舍馬龍兵到江津賊從該縣後
山鷄鷹石前來攻縣各兵力戰賊勢大敗追至合山

城破四營斬獲首級耳功七十七顆副生擒男婦九
名口本月十七日臣趨江津中途探賊十八日再
來攻縣催兵夤夜過江當日辰時賊馬步共約八千
餘人扛擡梯架執鋤背草分路前來哨馬七十餘騎
先到縣後教場埧當發酉陽播州石碛建始等兵分
作三支迎敵李鈇曹恕督戰斬獲首級共一百二十
七顆副生擒男婦三十名口被搶耳功不全不准功
二十八副本月十九日二十一日李鈇兵追至白

沙等處敵斬首級耳功三十七顆副生擒賊首李萬
千并男婦九十七名口本月二十二日追至高觀山
敵斬首級耳功五百餘顆副生擒男婦二百餘名口
土兵乘勝直衝老營賊望見兵少齊力包圍兵快走
敗催兵書吏何士昂隨同西陽播州建始羅回等兵
策應賊徑追李鉞被何士昂射傷二賊方行退走各
兵首級丟棄生擒走脫外實驗見存耳功二百三十
二副生擒男婦二十四名口臣入哨犒軍敗卒復聚

分定四哨仍令李銳曹恕督進千坵塆高峒河對山
劉營本月二十九日賊隔河告願招撫李銳發牌入
營令將方四等各首惡綁縛來獻餘黨免罪給票寧
家賊暗分三支來包我兵前哨石砬左哨酉陽右哨
播州羅回等兵迎敵殺死穿大紅織金不知名賊首
一名餘黨殺死二百三十餘名賊勢方敗林獠直衝
過河賊據高掘石各兵退散功級俱不及割賊又徑
衝中軍聲言只要殺官吏何定何士昂緊護李銳賊

不敢近實驗生擒男婦九名口臣因賊兇狠行令收
兵養銳與同韋興高崇熙楊宏差人催調新兵加賞
調度又同王綸添委通判李相涪州添集鄉兵增修
城垣守把閔隘以防來攻涪州武隆之路本年十月
初一等日賊移白土坭要攻合江何珊與同續季僉
事馬昊分督指揮盛鸞土舍文仲金等攏回標手等
兵敵斬首級一十二顆射死未取首級八十餘名射
傷方四任鬚子等二百二十餘人生擒男婦約有八

十餘名口賊又添人馬包圍我兵文仲金等奪勇力
戰何珊馬昂督兵策應賊方退走功級丟棄生擒脫
走實驗見存首級八顆生擒二十二名續該楊宏分
發都指揮王泰帶領茂州等兵前來助陣本月初六
等日賊因累敗移劄大小水漕欲奔播州哨知各關
守把嚴禁及路道掘斷人馬難行復回猫兒嘴臣復
季推官吳文遠統領涪州等兵協把綦江改季馬昊
王泰領酉陽播州等兵一支由合山坪進何珊鄒慶

領催回標手等兵一支由白沙進李鉞催督指揮童
昶領施州臘惹火田忠峒忠建散毛等兵并吏何定
民快一支由綦江進又發火牌令生擒賊徒周大富
入營招撫本月十三日方四等令李廷茂出官告願
聽撫當發火牌令李廷茂周大富快手張守然羅曉
入營約限本月十七日方四等頭目二十人親赴軍
門投見與伊奏乞饒死克軍脅從給票回籍各賊故
違止令張守然羅曉回哨說稱要在一處立衛克軍

不肯分散又移李市鎮欲走綦江高崇熙訪得方四
任鬍子周倖等俱仁壽縣人行取各家族屬方廷祖
方海等到官會臣發牌入營招撫約與四日來回姑
不進兵方四等惱怒將方海任大鎬任萬眼周永立
并鄉導樊清殺死方廷祖放出回報不肯聽撫任意
自散本月二十一日李鉞督領童昶何定將兵分為
六哨從大壩小壩月壩関口等路並進賊疑鄉兵前
來迎敵矢石如雨各兵直衝高梁六面俱合衝破老

營斬獲大賊首任鬍子張孫兒各賊大敗追殺二三十里跌落高崖并十丈餘月池直至筍溪等河三四餘里人馬重疊河道俱滿擒斬首級耳功生擒方四妻妾已驗過一千八百六十二顆副名口俘獲幼男婦女三千四百一十七名口方四點子馬并各驢馬四千五百四十四頭匹俱收在哨其餘為因天晚功級未及割驗童祖何定戒諭土兵待約三哨刻期夾攻土兵夷性生野恃勝貪功本月二十二日三更時

分食不及飽俱各前去何定力阻不從重起用刀背
攔斫不止與賊交鋒敵斬耳功二十三副殺死未取
首級二百餘名戰至未時各兵饑餓被賊直衝中軍
殺死千戶田宣冉廷質并土兵二十餘人前獲功級
燒燬丟棄生擒方四妻妾并男婦脫走騾馬仍復搶
回實驗見存止有耳功二十三副生擒男婦七十九
名口及各兵搶騎見在點子馬并騾馬九百餘頭匹
兵回百節驛臣又入犒軍收拾散兵整搦兵器發令

入哨探得賊走南川武隆與重慶相近瀘州江津可
保無虞臣同高崇熙又回重慶計處調度何珊馬昊
督兵經過紅崖筍溪二處差千戶趙廉賈杲收拾丟
下在彼功級尚有一百二十顆副殺死未割功男子
九十二軀撈起浮水男婦四百七十六軀死馬一十
七匹臣又委千戶曹楫百戶楊杲等親詣殺場及大
壩月壩紅崖關口等處查訪地方莫日中等象稱月
泥至筍溪牛渡寺洞長三四里寬二十餘丈深十餘

文彼時人馬填滿及各崖箐人馬跌死數層約八九千餘隨同親數除連日大水漂流及燒燬功級并深箐無路可入難數外查驗已割功男子一千五百五十七軀跌崖落水未割功大小男子八百六十二軀老幼婦女七百五十軀本月二十三等日何珊馬吳兵追至板橋河虎頭山筍溪等處敵斬首級耳功七顆副生擒男婦一百一十三名口本月二十八日賊逃碁江永澄漕本月二十九日何珊馬吳將前兵令

夷蒲剛周邦李祿楊渡率領同何定續領施南土兵
分哨並進敵斬首級耳功二百六十四顆副一耳小
功六副無耳不准功小功二副殺死未取首級一有
餘名生擒男婦四百二十六名口本年十一月初一
日賊在東坎閉架梁迎敵我兵又勝追至東鄉埧等
處敵斬首級耳功四百五十二顆副一耳小功三十
一副無耳不准功小功一十六副生擒男婦四十六
名口^各賊敗走跌落天生孔一百餘名本日并初二

日賊勢窮蹙沿途將行走不動老幼砍死約三百餘人又將被虜男婦放回約七百餘人砍死螺馬并草男婦不計其數本月初五日何珊馬吳兵追至長灘沙嵌子本月初十日追至搖櫓箐敵斬不知名穿織金段衣花樣腦包賊首一名并耳功一百三十三副一耳小功四副無耳小功不准功四副生擒男婦七十六名口乘勝追至搖櫓關萬丈懸崖中僅小路賊自擠跌死不計其數騾馬跌死砍死五百餘頭匹

牛二百隻丟下被土兵收獲男婦六百餘名口騾馬
八百餘頭匹對山叫說曉得手段了望對各老爹告
訴容我去真州播州思安各散莫來趕我土兵收獲
人口騾馬執要充賞不肯報官及各隘鄉兵陸續敵
斬首級一十二顆生擒男婦二百四十三名口審據
各賊執稱曹甫先在刁家坵殺傷未死今又改名陳
二殺入方四營內及稱賊營殺手南川江津等處被
官兵殺死約五六百人大壩被施兵殺死約二千有

餘頭目任鬍子張孫兇殺死見埋在彼各賊逃散數
多在營男女共約二千餘人男子不及千人殺手不
及二百人私議到思南再集有人明年再來等情通
查迷失去棄漂流燒毀及深箐難數功級身屍外數
驗不准功項下跌死淹死殺破身死放回被虜老幼
男婦并耳功不全共約四千二百四十五名口軀副
殺死跌死騾馬牛隻共計二千七百餘頭匹數驗量
准功項下殺死未及取首級并已割功男子及收回

丟棄功級共約一千九百六十九身軀顆副見驗實
在報功項下功級一千四百五十三顆副生擒并土
兵俘獲男婦一千八百二十七名口奪獲騾馬二百
三十一頭匹斬馬尾九十二條腦包賊衣氈衫二百
九十三箇件鎗三千四百餘根弓刀鈹頭共五十六
把銅印三顆叅將等旗五面賊印簿一扇批一張紗
帽一頂銀簪一根金環一雙銅鑼二面鈴一串牙笏
一把前後擒斬跌殺等項約萬餘人除見在功級收

候紀功御史汪景芳紀驗賊屍省令地方掩埋報官
生擒并土兵執收男婦量與贖回查審事理輕重斬
首克軍釋放賊幼男聽候取用被虜無歸幼男婦女
配軍招人收養馬匹給賞缺用兵快無依男女并入
官殺傷兵快已到給與湯藥一十四名未到及陣亡
官兵約有一百餘名查實優卹被賊人戶招撫復業
量給賑濟仍催各哨分兵夾攻務獲首惡剋平餘黨
以靖地方外臣會同鎮守太監韋興巡撫右副都御

史高崇熙摠兵官署都督僉事楊宏處按監察御史
王綸議照方四任鬍子等漏殄強徒招納亡命恃兇
獷之性挾騎射之精臨敵雖有挫而不回殺人至一
家而俱盡盜竊名器脇虜稱四萬人蹂踐鄉村焚掠
幾數千處大言無忌累撫不從初起思南石阡即欲
取雲貴而下辰常再入南川綦江又欲攻重瀘而窺
成叙幽明共怒覆載不容以故

天迷其表我師連捷見今逃散奔命賊勢大衰地方頗寧

茲蓋

上天純佑

列聖神靈

陛下聖武布昭

廟堂授成將士用命之致中間領兵何珊李鉞馬昊託
志忠勤力任討賊何珊督征藍五曹甫方四三大盜
備歷險艱勞效最著陞賞未被李鉞兩危不挫與馬
昊曹恕慷慨當前王泰童祖協力督戰童祖又能嚴

戢蠻兵稍遵紀律大壩之捷尤樹奇功何定領征保
十餘城立幾十功尤為各賊畏憚蓋鄙之執亦與有
力以功昭忌積勞成疾及再叅謀又成連捷似宜錄
用并何士昂周邦夷滿剛李祿楊渡累肯當鋒何士
昂兩脫李敏之難功各可錄總制洪鍾會調施兵常
輿高崇熙始終經畫楊宏王綸汪景芳并三司等官
協力運謀臣因人成事然寔罔烈焰未免玉石之俱
焚漢土雜兵難保閭閻之無擾至於屠戮之慘公私

之費非臣之所忍言也無任殞越俟罪之至謹具題
如奉

聖旨是這地方用兵日久鎮巡等官盡心調度三司等官
備歷艱危今次擒斬追殺等項賊級一萬有餘功勞可
嘉羣興歲加祿米十二石林俊已致仕賞銀二十兩紵
絲二表裏高崇熙王綸各陞俸一級何珊李敏馬昊王
泰也各寫勅獎勵還各賞銀十兩紵絲一表裏曹恕童
昶各銀五兩紵絲一表裏何定并何士昂着鎮巡官分

別等第重加賞勞待勘報功至日另行陞賞陣亡官兵
都依給與棺斂銀兩斂卹其家其餘有功陣亡人員着
紀功御史上緊查勘明白來說欽此

更賢討賊疏

奏為懇乞

天恩更賢討賊哀憐哀疾放回照舊致仕事臣舊患風疾
久乞致仕正德五年二月誤蒙有四川征勦流賊之
起臣前疾未痊精神不逮又書生季不知兵受

命慚忤顧臣子大義不容辭者故四日出門決策西邁所
恨衰年多蹇警報聯絡方藍廷瑞等少靖於夔保而
曹濬等又突起於江津及曹濬克平藍廷瑞等又盛
藍廷瑞就擒而方四等又盛方四等僅衰而麻六兒
等又橫臣左隄右過應接不暇近該兵部題

准方四一支行都御史高崇熙征勦麻六兒一支行臣會
總制洪鍾征勦雖各有分任然臣龍鍾轉甚日盲耳
重事過輒忘風疾舊患止左手左足今又連及右足

身體潮熱頭眩腰痛痠墜下血惡證屢添朝不保夕
竊計臣之出為討賊出也賊未盡平而遽求去臣心
豈安臣病委不支技亦僅止此耳自實而付之能猶
為可誘若至大壞雖壑粉臣身亦復何救斯臣所書
夜憂惶悔懼不能自己者也伏望

聖明特勅吏部會推風力知兵大臣上請

簡命代臣此撫討平殘賊早靖地方憐臣病勢危迫衰老
無能放回照舊致仕使三川之民再安田里臣再遂

骸骨之私皆

陛下

天地大德造化曲成之恩之賜無任感泣悲鳴願幸之至
緣係懇乞

天恩更賢討賊哀憐衰疾放回照舊致仕事理謹具奏
聞

再辭陞賞疏

欽差巡撫四川等處地方都察院右副都御史臣
高崇熙

謹

題為再乞

天恩俯從辭免陞賞事准巡撫四川今致仕右都御史林
俊咨正德七年正月十五日准吏部咨該奉職奏為
乞

恩辭免陞賞曲容照舊致仕等事奉

聖旨軍前陞賞已有成命不允所辭但卿既累陳疾病情
詞懇切准回原籍致仕該部知道欽此移咨到職欽遵

望

闕謝

恩即日致仕回還訖竊念

聖明造化曲成之恩既遂私圖又優前渥

天高地厚覆載難名自幸生逢

神聖之君得蒙仁厚之澤豈勝感慰然私計之先年之乞

歸以有疾歸也近年之再出以撫勦流賊出也今疾

愈亟不得已而乞歸

皇上俯從所請恩甚盛矣至於流賊一事職勦既久策撫
又久終深乏戡定之長久抱推誠之愧願蒙

欽進右職然既休致未敢僭論若

欽賜白金正原晚景之乏

欽賜大紅織金蟒衣及東製金南

聖壽之服足以榮鄉梓而侈

上賜豈不深願然賞所以酬有功也無功受賞義竊未安
理在當辭非敢節讓緣職已致仕難再差人齎

奏而原賞金幣封寄重慶收候見在未敢拜領合行移
咨煩為具

奏定奪俯容辭免使理得心安等因移咨到臣看得致
仕都御史林俊自來四川征勦藍廷瑞等將及二年
近又征勦方四等與臣同處將及數月每以賊未即
平負

陛下除害救民盛心為懼語輒流涕每見鄉民劫殺之慘
及聞州縣焚掠之報放聲大哭又每言受賞實非素

懷况功未成尤切不安今奉官臨回又咨前因但謙
讓維其本意而錫予出自

朝廷伏乞

聖明裁處等因具奉奏奉

聖旨林俊所辭賞賜銀兩表裏已有旨不允着高宗熙就
彼差人齎送與他該衙門知道欽此